

Gémiau 1919 metu lapkrétė 12 dėina Kretinguos apskrėtėis Muosiedė valsčiaus Nevuotiu kaimė. Šeimuo bova devynė vaakaa. Aš bovau jauniausis. Béngiau Muosiedė pradiuos muokykla. Pu tuo jau nebibova liešu tuoliu teesté muokslus. Dérbau pri žemės.

Dar muokykluo pradieji patékėti eilleraštė, daugiausee Maijuonė.

Tievaa muni muokė bûtė teisingo, duoro žmuogom. Dél tuo ir šendėlin mon pérmuo vėituo teisybę.


Paskutiniem kara dėlinuom apsėžanėjau. Greitaa bruoli išvežė į Sibéra, pradieji ir moni persekiuotė. Soženuojės, ka ir mon jau paruošts kelialapis į Sibéra, pabiegau į Léipuojė ir tén isédarbėnau. Dabar jau eso péncejuo.

1989 metaas Léipuoje bova ikorta Lietovių draugėjė. Pri tuo darba nu pérmu dėlinu ir aš bovau. Tuos draugėjės pérmininko dabar dérbo.

Rašau nu jaunystės. Tumet dėdliausius saasiuvinius bovau prirašės vésuokiu pasakuojėmū aple patértas ir matytas neteisybės. Neišléka. Strébaa atleimė ir sonaikėna. Bet tas monės neišgousdėna. Gyvendams Latvėju, viel rašau. Tonke muni vadėna į péršlius. Tén aš vés per linksmybės ir tas sava ellės skaitlau. Nepatéka anuos sovietėne valdee, bet pérshys yr pérshys ir kuo to iš anuo gali nuorietė, kou to anam gall padarytė!

Mona eilleraštius yr spausdėnės Skouda rajuona laikraštis "Mūsa žuodis", Mažeikiu "Santarvė", "A mon saka?", "Gimtasis krašt". Kelė eilleraštės yr idietė ir į Skouda rajuona literatu kūrybas rinktinė "Pri Bartovuos ir Loubas".

1994 metu vasarė 15 dėina



### Šluovinkem

Če mūsa truobelės  
Stoviejé samanuotas.  
Viesolams užeejos,  
Bova nušloutas.

Reta kopyčelė  
Er ta belekā,  
Mažne ér badas  
Mumis ištekā.

Kor soupavuos nendrės  
Er auga karklaa,  
Ten žemė švēta,  
Tén mūsa vargas.

Če kavuoja nu cara  
Kol rekrūtams gaudé.  
Nu pasaulené kara,  
Kor žmuonės šaudė.

Žemaitėjé šventuoji,  
Tévyné brongi,  
To parinktuoji  
Mūsa padongė!

Oužoulū díkybė,  
Kor paukštellee géid.  
Iš dérvu pélam  
Grūdus ī méiga.

Če Rapintuojielis  
Koplyčelė lingava,  
Geiduojé maju,  
Žmuonės maldava:

— Douk gera pagada,  
Nu bada ginkl  
Viešpati brongi  
Torem šluovinté!

### Bovuom ér būsem

Keestoti tortejuom,  
Katros Lietova gyné.  
So anou ištverém,  
Nuors kai kas ir žovuom.  
Končes kentiejuom  
Nu neprietalu vésuokiu,

*Gal nosédiejuom  
Dél neduorielė kuokė.  
Vo mūsa krašts  
Dainiem apdainiouts.  
Nešlem varga našta  
Tou pemierouta.  
To, Žemaitėjé,  
Vesú dabinta.  
Ar snéga, lejé,  
Mūsa bronginta.  
Žemaitee — per omžlus!  
Mes jau nežūsem!  
Dél Žemaitėjés brongės  
Mes bovuom ī būsem!*

### Žemaitiu žemė

Žemaitiu žemé,  
Ta mona brongi,  
Kor kvietkas žyd  
Pri pat palongiu.

Ar nu ryta auštont  
Dėina pagadlyva,  
Ar saulelee tekont  
Naktelė vielyva.

Sava Žemaitėjé  
Šluovénam nu sena.  
Če ér praeivis  
Atrondu sau pena.

Žemaitiu žemé  
Mūsa apginta.  
Kélik tū neprieteliu  
Ana bova iškonkintai

Sūrū ašariellu  
Daug esam iškruokė,  
Bi kaap gyventé  
Esam išmuokė.

### Skoudou

Per ketoris šimtus dvédešimt metu  
Če kaap kuošé véré,  
Daugybé skoudéškiu yr ésmére.  
Če vésé dérba, kétė pasena,  
Geraa a prastaa — vésé gyvena.  
I Skouda trauké arba važiava,  
Tavuora sava kuožnos kopšava.  
Če Trolikénaa, Šatés ér muosiedéškee,  
Važiava kopšautėlis ir lénkéméškee.  
Ir kielém onkstéi vésé nu ryta,  
Če atvažiava ir iš Barstyliu.  
Nuors ir konkénemu mes če solaukiem,  
Tik vénia dėina vésé teep traukiem.  
Kor vuoktyiū laiké daina ta gémé,  
Mes tik gérkšnuojuom skané rogéné.  
Liubam mes gerté, liubam dainiouté,  
Liubam ī Skouda mes novažiouté.  
I Skouda korše teep pat važiava  
Ir so žemaitees vén tik kopšava.  
Če ir bažnyčé anéi itaisé,  
Vésé siediejé pri béntrū vaišiu.  
Vésé muoklejuom geraa kopšauté,  
Kartaas kétė kéta liubam apgaute.  
Žydiellis vésitas tik püté, püté,  
Eiškuojé ar neatras paukšteliu uti.  
Žydelee pérka avéna taukus,  
Jee kas turiejé, šerius ir plaukus.  
Vleraiti daili, avéna kaili,  
Karvés raga, arklé posnagé,  
Sena užkolni, sieménas, žuolé,  
Paršielli maža ded ī bagaža.  
Kéts karvé pérka,  
Sulygé gieré po čerka tvértá.  
Véskou torgou taupé, véskou deriejé.  
Pardavé pérka kas kou turiejé.  
Vuo téi céguonaa arkli pamainé,  
Vuo anū vaakaa ožtrauké daina.  
Kor aukštas daubas ér tonké krūmua,  
Tén iataa bova céguona rūmaa.  
Linkio skoudéškems geraa gyventé,  
Gražee dainiouté ir nepasente.